



*Košarkaški Savez Bosne i Hercegovine*

# ***PROPOZICIJE TAKMIČENJA***

***PRVENSTVA BiH***  
***sezona 2014 / 2015***

*Sarajevo, septembar/ rujan 2014. godine*

## SADRŽAJ:

<b>I.</b>	<b>OPŠTE ODREDBE</b> .....	<b>3</b>
<b>II.</b>	<b>TEHNIČKI NORMATIVI</b> .....	<b>5</b>
<b>III.</b>	<b>EKIPE, TRENERI, SLUŽBENE OSOBE</b> .....	<b>8</b>
<b>IV.</b>	<b>DELEGAT, SUDIJE, POMOĆNE SUDIJE</b> .....	<b>10</b>
	DELEGAT .....	10
	SUDIJE .....	11
	POMOĆNE SUDIJE.....	13
<b>V.</b>	<b>IZVJEŠTAJ DELEGATA</b> .....	<b>14</b>
<b>VI.</b>	<b>DUŽNOSTI DOMAĆINA UTAKMICE</b> .....	<b>15</b>
	NAJAVA UTAKMICE .....	15
	SMJEŠTAJ GOSTUJUĆE EKIP E I SLUŽBENIH LICA .....	15
	REDARSKA SLUŽBA, BEZBJEDNOST UČESNIKA, GLEDAOCI .....	16
	ZDRAVSTVENA ZAŠTITA, SREDSTVA JAVNOG INFORMISANJA ....	17
	VIDEO – SNIMAK, STATISTIKA .....	17
	DRŽAVNA OBILJEŽJA .....	18
	POMOĆNI UREĐAJI .....	18
<b>VII.</b>	<b>TOK UTAKMICE</b> .....	<b>18</b>
<b>VIII.</b>	<b>NAČIN BODOVANJA I POSTUPAK PO ŽALBI</b> .....	<b>19</b>
<b>IX.</b>	<b>KAZNENE ODREDBE</b> .....	<b>22</b>
	ORGANIZACIJA UTAKMICE .....	22
	NESPORTSKO PONAŠANJE GLEDALACA .....	23
	NESPORTSKO PONAŠANJE IGRAČA, TRENERA I SLUŽBENIH OSOBA ....	24
	NESAVJESNO OBAVLJANJE DUŽNOSTI SUDIJA, DELEGATA, KONTROLORA SUĐENJA I POMOĆNIH SUDIJA .....	24
<b>X.</b>	<b>FINANSIJSKE ODREDBE</b> .....	<b>28</b>
<b>XI.</b>	<b>ZAVRŠNE ODREDBE</b> .....	<b>30</b>
	<b>PRILOZI PROPOZICIJA</b> .....	
	<b>SISTEM TAKMIČENJA - MUŠKARCI</b> .....	
	<b>SISTEM TAKMIČENJA - ŽENE</b> .....	

# PROPOZICIJE TAKMIČENJA

## PRVENSTVA BiH

### SEZONA 2014/2015 GODINE

---

## I. OPŠTE ODREDBE

---

### *Član 1.*

Prvenstvo BiH 2014/2015 godine organizuje se:

- za muškarce seniore: Liga 12/14, Liga za Prvaka i Doigravanje (Play-Off),
- za žene seniorke: Liga 8/10 i Doigravanje (Play-Off).
- za mlađe kategorije: Liga 12 u tri kategorije za dječake i djevojčice.

Na osnovu plasmana u okviru navedenih takmičenja dobiće se Prvak BiH za sezonu 2014/2015 godine.

### *Član 2.*

Utakmice Prvenstva BiH u sezoni 2014/2015 godine igraju se prema odredbama Pravila igre koja utvrđuje Međunarodna košarkaška federacija (FIBA), odredbama ovih Propozicija, kao i odredbama odgovarajućih propisa i normativnih akata KS BiH, koja se odnose na takmičenja.

### *Član 3.*

Organizaciju takmičenja, poštivanje odredbi Košarkaških pravila i ovih Propozicija, te ostalih pravilnika, sprovodi Komesar takmičenja imenovan od Upravnog odbora KS BiH.

Za svoj rad Komesar takmičenja odgovara organu koji ga je imenovao (UO KS BiH) i putem saopštenja, biltena, izvještaja ili na drugi odgovarajući način obavještava nadležni organ, učesnike u takmičenju i javnost o svom radu.

Sve utakmice Komesar takmičenja registruje u najkraćem roku, ali najkasnije 5 (pet) dana od dana odigravanja utakmice.

U slučaju da je na utakmicu podnijeta žalba, rok za registraciju se odlaže do donošenja odluke po žalbi.

### *Član 4.*

Za Prvenstvo BiH u sezoni 2014/2015 godine objavljuju se prilozi Propozicija koji sadrže:

- Sistem takmičenja,
- Popisi članova liga,
- Raspored takmičenja,
- Kalendar takmičenja,
- Lista sudija,
- Lista delegata,
- Lista kontrolora suđenja,
- Daljinar,
- Sjedište takmičenja,
- Vrste i visina naknada službenim licima.

## Član 5.

Utakmice Prvenstva BiH u sezoni 2014/2015 godine, igraju se prema utvrđenom rasporedu i Kalendaru takmičenja.

Utakmice Prvenstva BiH u sezoni 2014/2015 godine, igraju se u vremenu koje odredi domaćin utakmice, s tim što utakmica ne može početi:

- subotom i radnim danom prije 17:00 sati niti poslije 21:00 sat, a nedjeljom prije 12:00 niti poslije 21:00 sat.

Klubovi iz istog grada svoje utakmice, po pravilu, zakazuju tako da između njihovih početaka ima najmanje 3 (tri) sata razlike.

Klubovi učesnici Prvenstva BiH (muškarci-žene) dužni su najkasnije 10 (deset) dana prije početka takmičenja pismeno obavijestiti Komesara takmičenja i KS BiH o mjestu i dvorani odigravanja utakmica za tekuću takmičarsku sezonu.

Utakmice se mogu igrati i izvan naznačenih termina. Odluku o promjeni utvrđenih termina donosi Komesar takmičenja.

Raspored takmičenja nije moguće mijenjati.

Izuzetno, u međusobnom dogovoru, ekipe mogu pomjeriti termin odigravanja utakmice 72 sata prije ili 72 sata poslije termina predviđenog Kalendarom takmičenja.

O postignutoj saglasnosti klubovi su obavezni, u pismenoj formi, obavijestiti Komesara takmičenja.

Klub domaćin utakmice, dužan je zakazati utakmicu u vremenu koje je dogovoreno ugovorom sa TV kućom, ako tu utakmicu prenosi televizija.

Klub koji je prijavio utakmicu u određenom roku, a kasnije iz objektivnih razloga (zauzetost dvorane) mijenja satnicu ili dvoranu, može to učiniti najkasnije 3 (tri) dana prije prvobitno zakazanog termina, s tim da snosi sve administrativne troškove učinjene ovakvom promjenom (faks, telegrami - brzojavi i sl.).

Objektivnost razloga promjene dvorane, termina i satnice utakmice procjenjuje Komesar takmičenja, koji konačno odlučuje i o eventualnim sporovima u vezi sa ovim.

Komesar takmičenja može, ukoliko procijeni da je neophodno, te ukoliko postoji pismena saglasnost ekipa, odobriti zamjenu domaćinstva, samo u prvom dijelu takmičenja, i ne više od dvije utakmice zamjene domaćinstva u nizu.

Komesar takmičenja može, ukoliko smatra da je to u interesu regularnosti takmičenja, odlučiti da se sve ili pojedine utakmice jednog kola igraju istog dana i da počnu u isto vrijeme.

## Član 6.

Ukoliko se utakmica ne može odigrati u predviđeno vrijeme zbog jednog od opravdanih razloga:

- isključenje električne energije,
- isključenje ili zastoj u javnom saobraćaju,
- vremenske nepogode,
- nedolazak sudija,
- kvar na uređajima

početak utakmice može se prolongirati najduže 1 (jedan) sat.

Ako i nakon isteka tog vremena ne budu ispunjeni uslovi za igru, utakmica se mora odigrati u roku od 24 sata.

Ukoliko se utakmica ne može, radi opravdanih razloga, održati u roku od 24 sata od predviđenog termina početka utakmice, utakmica će se odgoditi.

Odluku o novom terminu utakmice donosi Komesar takmičenja.

Klub domaćin snosi sve troškove gostujućoj ekipi za ponovni dolazak na utakmicu.

Ukoliko se utakmica ne odigra zbog opravdanog nedolaska gostujuće ekipe, a odložena je zbog uzroka više sile – transporta, odigraće se u toku naredna 24 sata. Uzrok više sile može da bude samo isključenje ili zastoj u javnom saobraćaju, koji onemogućava da ekipa blagovremeno dođe u mjesto odigravanja utakmice. Odluku o odlaganju donosi prvi sudija.

Sve nastale troškove zbog ovog odlaganja snosiće gostujuća ekipa.

Klubovi u pravilu ne mogu tražiti odlaganje utakmice osim u vanrednim okolnostima:

- zvanično proglašena epidemija od nadležnih zdravstvenih ustanova BiH
- izuzetno pogoršane atmosferske (vremenske) prilike (snijeg, poplave, požari, i sl.), koje uzrokuju prekide u saobraćaju.

Konačnu odluku o odlaganju utakmice ili kompletnog kola donosi Komesar takmičenja.

Ukoliko utakmica ne može da se igra u zakazano vrijeme ili bude prekinuta zbog teškog kvara na nekom od uređaja (isključenje el. energije, lom tabli na koševima i sl.), koji ne može da se otkloni u roku od 1 (jednog) sata, odlukom prvog sudije, igraće se u toku sledeća 24 sata.

Započeta a prekinuta utakmica zbog opravdanog razloga ili usljed više sile nastavlja se tako da se u nastavku utakmice uzimaju u obzir vrijeme i rezultat u trenutku prekida utakmice.

Troškove produženog boravka i/ili troškove dolaska na nastavak utakmice, kao i hotelske troškove gostujućeg kluba (maksimalno 19 osoba) zbog nastavka odigravanja prekinute utakmice snosi klub domaćin.

---

## II TEHNIČKI NORMATIVI

---

### Član 7.

Utakmice Prvenstva BiH sezona 2014/2015 godine igraju se u dvoranama koje u svemu odgovaraju uslovima određenim propisima FIBA i ovih Propozicija:

- Dvorane u kojima se odigravaju utakmice moraju zadovoljiti minimalne tehničke i sigurnosne uslove. Za sve što nije obuhvaćeno ovim Propozicijam primjenjivaće se prilozi propozicija usvojeni od Upravnog Odbora KS BIH i odredbi Dodatka Službenih košarkaških pravila FIBA pod nazivom „Košarkaška oprema“.
- Dvorana mora imati poseban službeni ulaz za igrače i ostale službene osobe koji mogu koristiti i u njima se nalaziti samo službene osobe klubova prijavljene na Obr. 2, te delegirane službene osobe na utakmici.
- U dvorani mora da bude obezbijeđen poseban prolaz za ekipe, sudije i službena lica, od svlačionica do terena za igru.
- Teren za igru mora biti drveni i da zadovoljava slijedeće uslove: elastičnost, ujednačenost, mora biti lakiran, ne smije biti klizav i mora imati akustičnu mekoću.
- Teren za igru mora biti dimenzija i označen na način koje je odobrila FIBA.

- Granične linije terena za igru moraju biti najmanje 2 m udaljene od gledališta, reklama ili bilo kakve prepreke. Prostori ograničenja i središnji krug moraju biti u kontrastnoj boji u odnosu na drveni pod.
- Oko terena za igru mora biti vanjska granična linija širine 2 m, koja mora biti iste boje kao i prostor ograničenja.
- Sve table na konstrukciji moraju biti od vrste koje je odobrila FIBA.
- Table na konstrukciji moraju biti prozirne, u jednom komadu i od sigurnosnog stakla, dimenzija 180 cm vodoravno i 105 cm uspravno.
- Donja ivica table mora biti 290 cm udaljeno od poda.
- Tehničke karakteristike i označavanje table mora biti po pravilima FIBA.
- Linije nacrtane na tabli moraju biti bijele boje.
- U dvorani moraju postojati najmanje dvije rezervne table, za slučaj loma, a na jednoj od njih mora biti pravilno montiran obruč.
- Klub mora imati potrebna tehnička sredstva i osposobljene osobe za zamjenu table u najkraćem mogućem vremenu.
- Klubovi moraju imati opremu za mjerenje visine obruča.
- Obručevi moraju biti zglobni, od vrste koju odobrava FIBA, i učvršćeni tako da se snaga preko obruča ne prenosi direktno na ploču.
- Obručevi moraju biti crvene boje.
- Dvorana mora imati najmanje 2 rezervna obruča u slučaju loma.
- Mrežice moraju biti bijele boje i proizvedene na način da na trenutak zadrže loptu koja prolazi kroz koš.
- Mrežice moraju biti dugačke najmanje 40, a najviše 45 cm.
- U dvorani moraju biti najmanje dvije rezervne mrežice.
- Na istoj strani gdje se nalazi zapisnički sto mora se nalaziti i označen prostor za klupe ekipa. Na obje strane se nalazi po 14 (četrnaest) stolica za zamjenike i pratioce. Klupe za rezervne igrače gostujuće ekipe kao i zapisnički sto moraju biti zaštićeni od svakog kontakta od gledališta.  
Sa svake strane zapisničkog stola moraju se nalaziti po dvije stolice za izmjenu igrača.
- Dvorana mora imati najmanje jedan veliki semafor sa lako uočljivim satom sa padajućim brojevima i vrlo glasnim zvučnim signalom za kraj četvrtina ili produžetaka.
- Dvorana mora imati dva automatska uređaja za primjenu pravila napada od 24 sec.
- Uređaj za mjerenje 24 sec. mora biti neovisan od glavnog sata za igru, a kada se uređaj oglasi glavni sat za igru se ne zaustavlja.
- Uređaj za mjerenje 24 sec. mora da ima mogućnost automatskog resetovanja na 14 sec.
- Teren za igru mora biti osvijetljen s najmanje 1.000 luksa ravnomjerno po cijeloj površini igrališta, mjereno jedan metar iznad poda, a u slučaju TV prenosa osvijetljenje mora imati najmanje 1500 luksa.
- Temperatura na terenu za igru ne smije biti ispod 16° C i mora biti jednolična što je više moguće. Ako delegat ili jedan od klubova posumnja u podatak o temperaturi u dvorani, delegat je dužan da izmjeri temperaturu u prisustvu službenih predstavnika oba kluba i prvog sudije. Za tu svrhu klub domaćin mora da ima pripremljen termometar. Ukoliko se utvrdi da je temperatura u dvorani niža od 16° C, utakmica se može odigrati samo uz saglasnost gostujuće ekipe. Ukoliko ne postoji saglasnost gostujuće ekipe organizatoru se ostavlja 24 sata da obezbijedi potrebnu temperaturu u dvorani. Ukoliko organizator (klub domaćin) ne može da obezbijedi potrebnu temperaturu ili drugu dvoranu registrovanu za utakmicu Prvenstva BiH, utakmica će se odigrati u roku od 3 dana.

Odluku o mjestu odigravanja utakmice donosi Komesar takmičenja, a troškove službenih lica i gostujuće ekipe (prevoz, smještaj, ishrana) snosi organizator utakmice (klub domaćin)

- Dvorana mora imati najmanje po jednu svlačionicu za svaku ekipu i za sudije, te prostoriju za delegata, koje moraju biti zaključane i čuvane jer domaćin utakmice je odgovoran za predmete ostavljene u svlačionicama. Svlačionice za ekipe moraju imati klupe za najmanje 15 osoba i sto za bandažiranje. U svlačionicama za gostujuću ekipu, sudije i delegata domaćin mora obezbjediti osvježavajuća pića, kao i za zapisničkim stolom.
- Dvorana mora imati naj manje 800 sjedećih mjesta. Sva mjesta u dvorani moraju biti numerisana. U gledalištu svi prolazi /stepenice/ moraju biti slobodni kako bi eventualna intervencija redara i policije bila efikasnija.
- Utakmice Prvenstva BiH sezone 2014/2015 godine igraju se MOLTEN loptama koje imaju zlatni žig FIBA-e i KS BIH .
- Domaćin susreta dužan je 30 min prije početka utakmice staviti na raspolaganje domaćoj i gostujućoj ekipi po 4 ispravne lopte, a prvom sudiji uručiti loptu s kojom će se igrati utakmica.
- Za registraciju dvorana zadužen je Komesar takmičenja ili po njemu određena osoba. Dvorana neće biti registrovana ako nisu poštovani uslovi iz ovog člana.
- KS BIH izdaje licencu za upotrebnu dozvolu dvorane.

### **Član 8.**

Svi igrači jedne ekipe moraju imati iste dresove. Dresovi moraju da budu obilježeni prema odredbama Pravilima igre. Na dresu kapitena ekipe mora da postoji vidljiva oznaka.

Gostujuća ekipa dužna je poštivati boju dresova domaće ekipe, shodno Pravilima košarkaške igre (domaćin uvijek igra u svijetlim a gost u tamnim).

Ukoliko se ekipe dogovore moguća je zamjena boje dresova i klupa ekipa.

Zabranjeno je korištenje bilo koje vrste opreme, odjeće ili dodatka osim po preporuci ljekara. Ukoliko igrači po preporuci ljekara nose podmajice, biciklističke hlače, trake za ruku ili bilo koji dodatak službenom dresu ti dodaci moraju biti iste boje kao i dres, te moraju biti iste vrste za sve igrače koji ih koriste. Na dodacima dresu ne smije se nalaziti reklama.

### **Član 9.**

Razglasni uređaj je obavezan na utakmicama Prvenstva BiH (Muškarci – Žene). Lice koje rukuje mikrofonom, odnosno razglasnim uređajem mora da bude smješteno za posebnim stolom pored zapisničkog stola.

Razglasni uređaj služi samo za davanje obavještenja o utakmici.

Nije dopušteno korištenje mikrofona za podsticanje publike na navijanje, komentarisanje suđenja, ometanje igre i slično.

Korištenje muzičkih instrumenata (trube, bubnjevi, vuvuzele i sl.) tokom utakmice dozvoljeno je samo iza graničnih linija terena nasuprot zapisničkom stolu i klupama ekipa.

Puštanje muzike putem razglasa dozvoljeno je samo kada je lopta mrtva i sat za igru zaustavljen.

---

### III EKIPE, TRENERI I SLUŽBENE OSOBE

---

#### *Član 10.*

Na utakmicama Prvenstva BiH sezone 2014/2015 godine, mogu nastupiti igrači i igraci koje koji posjeduju takmičarske kartone (licence) ovjerene od strane KS BiH, u skladu sa normativnim aktima i Odlukama Upravnog odbora KS BiH, pod uslovom da nisu pod suspenzijom ili kaznom.

Ekipe su obavezne da na utakmicama nastupe sa najmanje 10, a najviše 12 igrača, odnosno igračica.

U Prvenstvu Bosne i Hercegovine sezona 2014/2015 moraju biti prijavljeni najmanje 1 (jedan) igrač - igračica rođeni **1993.** godine i mlađi koji posjeduju BiH Pasoš/Putovnicu.

U prvim petorkama klubova mora biti 1 (jedan) igrač-ica 1993. godišta ili mlađi-e, a tokom cijele utakmice na parketu uvijek mora biti 1 (jedan) igrač-ica 1993. godišta ili mlađi -e.

Na ovjerenom "Listi igrača i službenih osoba" nalaze se imena najviše 12 članova ekipe sa pravom igre, od čega najmanje 1 (jedan) igrač-igraci rođen-a 1993. ili mlađi-e, uključujući kapitena, trener i ako ekipa želi pomoćni trener, i najviše 5 (pet) pratilaca ekipe (službeni predstavnik kluba, ljekar, fizioterapeut, statističar, itd.), po brojevima i funkcijama.

Ukoliko tokom utakmice zbog dosuđenih 5 ličnih grešaka, isključenja igrača-ice, povreda i dr. ekipa više nema na klupi barem jednog igrača-ice rođenog-e 1993. godine ili mlađeg-e koji bi učestvovao u igri na parketu, igra se nastavlja sa 4 igrača-ice ili manje, prema FIBA Pravilima košarkaške igre.

Ukoliko tokom utakmice, trener ekipe namjerno ili nenamjerno u ekipi na parketu propusti uvrstiti jednog igrača godišta 1993. i mlađe kada to zapisničar, delegat ili sudije uoče, sudije prekidaju utakmicu i jedan od igrača na parketu mora biti zamijenjen sa igračem rođenim 1993. ili mlađi. Treneru se dosuđuje tehnička greška.

Za praćenje i kontrolu igrača rođenih 1993. i mlađih koji se nalaze u igri na parketu, kod izmjena igrača, zadužen je delegat, koji je dužan ODMAH tokom utakmice upozoriti sudije na nepravilnosti kod izmjene igrača i provođenja odredbi ovih Propozicija takmičenja.

Na utakmicama Prvenstva Bosne i Hercegovine sezona 2014/2015 godine, mogu nastupati i "strani" igrači (igrači koji u trenutku podnošenja zahtjeva za licenciranje nemaju "košarkašku nacionalnost" BiH). Svaka ekipa moći će za utakmicu prijaviti maksimalno 4 (četiri) "strana" igrača.

Igrači i igračice koji(e) imaju „košarkašku nacionalnost“ Hrvatske, Crne Gore ili Srbije, a koji se licenciraju do prvog roka za licenciranje imaju status domaćeg igrača.

Igrači i igračice koji imaju košarkaško državljanstvo Hrvatske, Crne Gore ili Srbije za koje, van roka za licenciranje, bude podnesen zahtjev za licenciranje, imaju status domaćeg igrača kada su uvršteni u listu igrača.

Status stranog igrača zadržavaju po osnovu finansijskih obaveza.



Pred Doigravanje (Ligu 6) za muškarce i Doigravanju (Play-Off) za žene mogu se licencirati igrači i igralice sa izlaznim pismima sa rokom od 48 sati prije odigravanja utakmica 1. kola. Igrači i igralice koji(e) imaju "košarkaški nacionalnost" Hrvatske, Crne Gore ili Srbije ulaze u dozvoljenu kvotu od 4 "strana igrača".

Trener ili Službeni predstavnik ekipe dužan je 30 minuta prije početka utakmice predati delegatu utakmice "Listu igrača i službenih osoba" (propisani obrazac). Licence igrača, trenera, pomoćnika trenera, ljekara, fizioterapeuta i službenog predstavnika kluba izdaje KS BiH ili tijelo ovlašteno od strane UO KS BiH.

Ukoliko na utakmici nastupi igrač koji nije uredno registrovan ili je suspendovan, klub gubi utakmicu službenim rezultatom 20:0 („bez borbe“) i kažnjen u skladu sa Propozicijama takmičenja.

Na utakmicama Prvenstva BIH (seniorke i seniori) ekipe su dužne da nastupaju u najboljim sastavima.

Ukoliko se posumnja da ovaj zahtjev nije ispunjen klub je dužan dati pismeno objašnjenje na osnovu kojeg će Komesar takmičenja donijeti konačnu odluku.

### ***Član 11.***

Ljekarski pregled igrača obavezan je prije početka takmičenja, ukoliko nije izvršen ljekarski pregled igrač neće biti licenciran za nastupajuću sezonu.

### ***Član 12.***

Na klupi za rezervne igrače mogu sjediti samo osobe koje su navedene u "Listi igrača i službenih osoba" (rezervni igrači, trener, pomoćni trener, ljekar, fizioterapeut i službeni predstavnik kluba).

Trener, pomoćni trener i službeni predstavnik ekipe na utakmici moraju biti prikladno odjeveni u sakou, pantalonama i košulji (jeans nije prihvatljiv). Ljekar i fizioterapeut ekipe mogu biti u sportskoj opremi.

Ukoliko ekipi odgovara, trener, pomoćni trener i službeni predstavnik moraju biti prikladno i jednoobrazno odjeveni: obuća – cipele ili sportske cipele (patike), pantalone štofane (jeans nije prihvatljiv) i košulja ili majica (polo kragna) sa oznakom kluba.

### ***Član 13.***

Službeni predstavnik domaćina, u ime kluba domaćina, odgovoran je delegatu utakmice za organizaciju utakmice.

Za vrijeme utakmice službeni predstavnik kluba domaćina mora sjediti na klupi za rezervne igrače ekipe domaćina.

Službeni predstavnik isključivo ostvaruje komunikaciju sa službenim licima delegiranim od strane Komesara takmičenja (delegat, sudije i pomoćne sudije) u predviđenom vremenu i na način propisan Službenim pravilima igre.

Službeni predstavnik ispred kluba je jedini ovlašten da službeno kontaktira Komesara takmičenja.

### **Član 14.**

Igračima, trenerima, pomoćnim trenerima i predstavnicima klubova zabranjuje se davanje izjava, koje izlaze iz okvira sportskog ponašanja, o radu službenih lica, također nije dozvoljeno davanje na uvid neslužbenim osobama dokumenta vezana za utakmicu.

### **Član 15.**

Osim službenih predstavnika kluba, svaki klub učesnik Prvenstva BiH sezone 2014/2015 godine određuje jednu odgovornu osobu kluba za ovlašteno službeno kontaktiranje sa Komesarom takmičenja.

---

## **IV DELEGAT, SUDIJE I POMOĆNE SUDIJE**

---

### **DELEGAT :**

#### **Član 16.**

Funkciju delegata na utakmicama Prvenstva BiH sezone 2014/2015 godine obavljaju osobe koje se nalaze na Listi delegata utvrđenoj Odlukom Upravnog odbora KS BiH, a na prijedlog Komesara takmičenja nakon završenog testiranja prije početka takmičenja. (Odluka UO KS BiH)

Testiranje delegata vrši Komesar takmičenja.

Delegati koji ne pristupe testiranju (osim iz opravdanih razloga) ili ne polože test neće biti uvršteni u Listu delegata za sezonu 2014/2015. Novih testiranja i naknadnog uvrštavanja delegata na Listu, u toku takmičarske sezone neće biti.

Na Listi delegata ne mogu se nalaziti osobe koje su u sudskim procesima sa klubovima učesnicima Prvenstva BiH ili međusobnim sudskim procesima, kao ni osobe protiv kojih se vodi Disciplinski postupak u organima Košarkaškog saveza BiH.

Nominaciju delegata na utakmicama Prvenstva BiH sezone 2014/2015 godine obavlja Komesar takmičenja.

Delegati su dužni o eventualnoj spriječenosti obavijestiti Komesara takmičenja prije nego se izvrši nominacija.

Delegati su dužni potvrdu nominacije izvršiti odmah, a najkasnije 48 sati po prijemu iste, u protivnom će se smatrati da je ista neopravdano otkazana.

Delegat je dužan da u mjesto odigravanja utakmice stigne najkasnije 2 (dva) sata prije početka utakmice, osim ako se mjesto odigravanja utakmice nalazi na rastojanju manjem od 100 km, a u dvoranu 1 (jedan) sat prije zakazanog početka odigravanja utakmice.

Delegati su posebno odgovorni za utvrđivanje prekršaja kodeksa po bilo kom osnovu, kao i za podnošenje izvještaja o istom.

Klubovi ne mogu tražiti izuzeće delegata sa utvrđene liste.

Delegat na utakmicama Prvenstva BiH sezone 2014/2015 godine mora biti odjeven u odijelo sa kravatom.

### **Član 17.**

Delegat kontroliše licence (kartone) igrača, službenog predstavnika kluba, trenera, pomoćnika trenera, ljekara, fizioterapeuta i pomoćnih sudija.

Delegat je dužan pratiti dešavanja u gledalištu, za i oko zapisničkog stola, klupa za rezervne igrače, i da u slučaju ako je to potrebno izvještava sudije kako bi oni mogli pravovremeno preduzeti odgovarajuće mjere.

Delegat nadgleda i odgovoran je za rad pomoćnih sudija, te u prisustvu službenog predstavnika kluba domaćina provjerava, da li je statistika postavljena na sajt lige.

### **Član 18.**

Disciplinsku odgovornost delegata koji ne poštuje odredbe Pravila igre i svoju dužnost ne obavlja u skladu sa ovim Propozicijama konstatuje i rješava Komesar takmičenja.

### **Član 19.**

Delegatima nije dozvoljeno, tj. nisu ovlašteni da o navodima u izvještaju i događajima na odigranoj utakmici davaju izjave u medijima.

## **SUDIJE :**

### **Član 20.**

Utakmice Prvenstva BiH sezona 2014/2015 sude sudije sa Liste sudija koja je utvrđena Odlukom Upravnog odbora KS BiH, nakon završenog testiranja, prije početka takmičenja. (Odluka UO KS BiH.)

Testiranje sudija vrši Sudijska komisija KS BiH imenovana od strane UO KS BiH.

Na Listi sudija ne mogu se nalaziti osobe koje su u sudskim procesima sa klubovima učesnicima Prvenstva BiH ili međusobnim sudskim procesima, kao ni osobe protiv kojih se vodi Disciplinski postupak u organima Košarkaškog saveza BiH.

Klubovi ne mogu tražiti izuzeće sudija s utvrđene liste.

Nominaciju sudija za utakmice Prvenstva BiH sezone 2014/2015 godine obavlja Komesar takmičenja.

Sudije su dužne o eventualnoj spriječenosti obavijestiti Komesara takmičenja prije nego se izvrši nominacija.

Sudije su dužne potvrdu nominacije izvršiti odmah, a najkasnije 48 sati po prijemu iste, u protivnom će se smatrati da je ista neopravdano otkazana.

Ukoliko sudije (i delegat) putuju u istom pravcu na utakmicu, dozvoljeno je korištenje samo jednog automobila.

Sudije su dužne da u mjesto odigravanja utakmice stignu najkasnije 2 (dva) sata prije početka utakmice, osim ako se mjesto odigravanja utakmice nalazi na rastojanju manjem od 100 km, a u dvoranu 1 (jedan) sat prije zakazanog početka odigravanja utakmice.

Sudije su na utakmicu obavezni doći odjeveni u odijelo sa kravatom.

Ni jedan sudija ne može da nosi reklame osim onih koje je odobrio UO KS BiH.

Sudije u toku jednog dana mogu da sude samo jednu utakmicu, izuzev u slučajevima, ako je takmičenje turnirskog tipa, a po odobrenju Komesara takmičenja ili po odluci delegata utakmice na kojoj se zateknu, a na utakmici se nije pojavio jedan od sudija.

### **Član 21.**

Ukoliko sudija, odnosno sudije ne dođu na utakmicu, delegat određuje zamjenu među prisutnim sudijama sa Liste sudija, uz konsultaciju sa Komesarom takmičenja.

Ukoliko ne postoji uslov za ispunjavanje prethodnog stava, delegat će odrediti da se utakmica odigra uz prisustvo dvojice sudija.

Ukoliko ne postoji uslov za ispunjavanje prethodnog stava, delegat će odložiti utakmicu o čemu je dužan odmah obavjestiti Komesara takmičenja

Odluku o novom terminu odigravanja utakmice donijet će Komesar takmičenja.

### **Član 22.**

Sudije su potpuno samostalne u donošenju odluka, dužne su da striktno sprovede Pravila igre i da ne dozvole da se krše odredbe ovih Propozicija i isključivo su odgovorne za red na terenu i saradnju sa zapisničkim stolom.

Sudije su dužne da opišu sve sporne momente na utakmici, navedu razloge za dosuđene tehničke i isključujuće greške igračima i trenerima, kao i druge značajne odluke koje nisu vezane za sam tok utakmice (smjenjivanje pomoćnog sudije, djelimično ili potpuno pražnjenje gledališta i sl.).

Na zahtjev Komesara takmičenja sudije su obavezne dostaviti dopunski izvještaj na propisanom obrascu i u propisanom roku.

### **Član 23.**

Prvi sudija smatra se odgovornim u djelokrugu ovlaštenja propisanih Pravilima košarkaše igre.

Prvi sudija je isključivo odgovoran za preduzimanje mjera za sankcionisanje nesportskog navijanja i ponašanja gledalaca. Shodno odredbama i ovlaštenjima po Pravilima igre, obavezan je da, u slučajevima nesportskog navijanja ili ponašanja gledalaca, prema svojoj procjeni, preduzme odgovarajuće mjere i to:

- Opomena gledalaca
- Pražnjenje dijela gledališta
- Pražnjenje dvorane
- Prekid utakmice

Sudije su dužne da utakmicu, ako postoji realna mogućnost, bez kršenja Pravila igre i Propozicija takmičenja svakako dovedu do kraja.

Ako je utakmica prekinuta zbog ulaska gledalaca u teren i što su izazvali tuču ili prekid, sudije su dužne da istu nastave, po pražnjenju dvorane (djelimičnom ili potpunom) ili najkasnije u roku od 24 sata pred praznom dvoranom.

Prvi sudija u slučaju pražnjenja gledališta (potpunog ili djelimičnog) ostavlja klubu organizatoru ograničeno vrijeme za koje se njegova odluka mora sprovesti u djelo.

Prvi sudija obavezno i definitivno prekida utakmicu ako je ostvaren fizički napad na sudiju ili delegata, ili ako gledaoci neposredno ili bačenim predmetima povrede službeno lice, igrača-igračicu, trenera ili drugog člana ekipe.

Ukoliko je odlukom prvog sudije utakmica definitivno prekinuta, ekipa koja je odgovorna za prekid gubi utakmicu službenim rezultatom 20:0 i ne dobija bod u plasmanu.

Ukoliko klub koji u slučaju prekida utakmice, nakon uspostavljanja odgovarajućih uslova za nastavak utakmice na osnovu odluke prvog sudije odbije da nastavi istu kazniće se prebacivanjem u niži rang takmičenja. Ekipa koja je odgovorna za prekid gubi utakmicu službenim rezultatom 20:0 (bez borbe) i ne dobija bod u plasmanu.

### **Član 24.**

Sudije nemogu javno komentarisati događaje na odigranoj utakmici, te nemogu o svojim izjavama navedenim u izvještaju davati izjave u medijima.

Sudije su dužne nakon utakmice obaviti sve obaveze vezane za utakmicu.

Nakon utakmice sudije i pomoćne sudije mogu napustiti dvoranu tek po odobrenju delegata.

### **Član 25.**

Disciplinsku odgovornost sudija koji ne poštuju odredbe Pravila košarkaške igre i svoju dužnost ne obavljaju u skladu s ovim Propozicijama, konstatuje i rješava Komesar takmičenja.

U slučajevima vezanim za povrede ovih Propozicija, kaznu izriče Komesar takmičenja, a u slučaju povrede Pravila košarkaške igre kaznu izriče Komesar takmičenja, na osnovu stručnog mišljenja nadležnog organa Sudijske Komisije KS BiH /najavljena Žalba na utakmicu od strane kluba u vezi suđenja, te na osnovu traženja Komesara takmičenja u vezi davanja stručnog mišljenja o suđenju/.

## **POMOĆNE SUDIJE :**

### **Član 26.**

Delegiranje pomoćnih sudija za utakmice Prvenstva BiH u sezoni 2014/2015 godine, vrši nadležna sudijska organizacija.

Pomoćne sudije su dužne da u dvorani za odigravanje utakmice budu najkasnije 30 (trideset) minuta prije početka utakmice i da se jave delegatu.

Pomoćne sudije moraju imati licence koje su obavezne predložiti delegatu utakmice 30 minuta prije početka iste.

Pomoćne sudije su obavezne da budu jednoobrazno odjevene.

### **Član 27.**

Pomoćne sudije koji ne poštuju odredbe Pravila košarkaške igre i svoju dužnost ne obavljaju u skladu s ovim Propozicijama, a time utiču na regularnost utakmice mogu smijeniti same sudije ili na prijedlog delegata.

U tom slučaju napraviti će se pauza radi smjenjivanja pomoćnog sudije, a delegat određuje zamjenu među prisutnim pomoćnim sudijama.

### **Član 28.**

Ukoliko se ustanovi da u mjestu odigravanja utakmice nema dovoljan broj osposobljenih pomoćnih sudija ili se utvrdi da ne rade u skladu sa Pravilima igre i ovih Propozicija, za neke utakmice mogu da budu određene i pomoćne sudije van mjesta odigravanja utakmice. U tom slučaju delegiranje vrši Komesar takmičenja. Troškove ovako određenih pomoćnih sudija snosi klub koji iste traži.

### **Član 29.**

Disciplinsku odgovornost pomoćnih sudija koji ne poštivaju odredbe Pravila igre i svoju dužnost ne obavljaju u skladu s ovim Propozicijama, konstatuje i riješava Komesar takmičenja.

---

## **V IZVJEŠTAJ DELEGATA**

---

### **Član 30.**

Obaveza delegata je da dođe 1 (jedan) sat prije zakazanog početka odigravanja utakmice u dvoranu i izvrši kontrolu svih tehničkih uređaja, izvrši obračun i naplatu naknada i drugih troškova službenih lica, te utvrdi postojanost ostalih uslova za odigravanje utakmice.

Delegat u svom Izvještaju /Obr. 4/ unosi sva zapažanja o svim događajima koja su vezana za utakmicu, upisuje obračunatu i naplaćenu visinu naknada i troškova službenih lica za svako lice posebno, daje ocjenu o organizaciji utakmice, a obavezan je da ponudi svoje mišljenje o spornim situacijama i predmetu žalbe, ukoliko je najavljena.

Izvještaj delegata dostavlja se u roku od 24 sata Komesaru takmičenja i KS BiH elektronskom poštom.

### **Član 31.**

Službeni predstavnik kluba domaćina dužan je po završetku utakmice elektronskom poštom poslati Komesaru takmičenja i KS BiH Izvještaj o rezultatu (Obr. 3).

### **Član 32.**

Originalni Izvještaj delegata (Obr. 4), Zapisnik (Obr. 1), popis igrača, trenera i sl. osoba obje ekipe (Obr. 2), zbirnu statistiku, račun o plaćenju putarini, kao i eventualne izjave prekršitelja ukoliko se dogode na utakmici, delegat dostavlja redovnom poštom KS BiH u roku od 24 sata, odnosno prvog radnog dana.

Ukoliko ekipe imaju primjedbu (Obr. 5) dužni su istu poslati elektronskom poštom, najkasnije 24 sata po odigranoj utakmici Komesaru takmičenja i KS BiH.

### **Član 33.**

Dopunski izvještaj (Obrazac 6) dostavlja se na zahtjev Komesara takmičenja, najkasnije 24 sata po prijemu zahtjeva.

### **Član 34.**

Sudija koji je donio odluku o isključenju igrača, trenera, pomoćnog trenera ili službenih osoba klubova obavezan je delegatu saopštiti razloge isključenja kao i odluku da li za istog podnosi prijavu ili ne.

Ukoliko delegat zahtijeva, sudija koji podnosi prijavu, dužan je opisati sve sporne trenutke u vezi disciplinskog prekršaja.

Prijava protiv izvršioca disciplinskog prekršaja podnosi se na posebnom obrascu (Obrazac 7).

### **Član 35.**

Sudije, delegat i službeni predstavnici ekipa su obavezni da podnesu disciplinsku prijavu ukoliko se za vrijeme utakmice učini disciplinski prekršaj koji nije predviđen ovim Propozicijama već je predviđen Disciplinskim pravilnikom KS BiH.

Delegat je obavezan da uzme izjave od prekršilaca i sudija i iste dostavi Komesaru takmičenja i disciplinskom sudiji KS BiH.

### **Član 36.**

Od igrača, trenera i drugih službenih lica isključenih na utakmici, obavezno se uzima izjava.

Izjavu isključenih članova kluba obavezno dostavlja službeni predstavnik kluba delegatu, odmah po završetku utakmice.

Izjavu obavezno potpisuje izvršilac prekršaja.

U slučaju da izvršitelj prekršaja odbije dati izjavu ili potpisati zapisnik o saslušanju, delegat tu okolnost navodi u zapisniku o saslušanju.

---

## **VI DUŽNOSTI DOMAĆINA UTAKMICE**

---

### **NAJAVA UTAKMICE :**

#### **Član 37.**

Klub domaćin je dužan da najkasnije 7 (sedam) dana prije narednog kola Prvenstva BiH pismeno obavijestiti Komesara takmičenja i gostujuću ekipu o vremenu odigravanja utakmice.

Domaćin utakmice pismeno obavještava nadležnu sudijsku organizaciju (koja određuje pomoćne sudije) o vremenu odigravanja utakmice.

Domaćin je dužan prijaviti mjesto, dan i vrijeme odigravanja utakmice nadležnoj stanici javne bezbjednosti/policijske uprave u vremenu u kojem to zahtijeva nadležna stanica JB/PU.

## **SMJEŠTAJ GOSTUJUĆE EKIPJE I SLUŽBENIH LICA**

### ***Član 38.***

Klub domaćin je dužan da rezerviše smještaj za gostujuću ekipu i jedan termin za trening, dan prije odigravanja utakmice u dvorani i u vrijeme odigravanja utakmice ili u vremenu od najviše 1 sat razlike u trajanju od 90 minuta, ili na dan odigravanja utakmice u trajanju od 60 minuta, ukoliko to oni zatraže, najkasnije 5 (pet) dana prije odigravanja utakmice.

Klub domaćin je dužan da pomogne gostujućoj ekipi u svakoj prilici. Određuje predstavnika kluba koji pomaže gostujućoj ekipi, daje obavještenja o utakmici ili treningu, terminu i slično, ukoliko to zatraži gostujuća ekipa.

Klub domaćin je dužan da rezerviše smještaj za službena lica (sudije i delegat), ukoliko je zahtjev za rezervaciju dostavljen najkasnije 3 (tri) dana prije odigravanja utakmice.

## **REDARSKA SLUŽBA, BEZBJEDNOST UČESNIKA, GLEDAOCI**

### ***Član 39.***

Domaćin je dužan da na svakoj utakmici organizuje redarsku službu u dovoljnom broju, zavisno od veličine dvorane, broja gledalaca i sl., minimalno 4 (četiri) redara. Redari nose iste marker majice ili markere na ruci.

Dužnost domaćina je da organizuje brisanje poda za vrijeme utakmice. U tu svrhu obezbjeđuje najmanje 2 (dva) lica sa odgovarajućim rekvizitima, za svaku polovinu terena po jedan.

Osoba odgovorna za sprovođenje ovih odredbi je službeni predstavnik kluba.

### ***Član 40.***

Dužnost domaćina je da preduzme sve potrebne mjere koje osiguravaju normalni tok odvijanja utakmice.

Domaćin snosi punu odgovornost za sve prekršaje i incidente koji se dogode na samoj utakmici ili neposredno u vezi s njom.

Ukoliko gostujuća ekipa organizuje dovođenje svojih navijača na utakmicu (organizovan prevoz, kupovina karata) tim aktom preuzima i odgovornost za sve što ti navijači učine u dvorani i van nje. Gostujuća ekipa je dužna da najmanje 3 (tri) dana prije utvrđenog termina za odigravanje utakmice obavijesti domaćina o dolasku svojih navijača (broj navijača, prevozno sredstvo i odgovorno lice).

Za incidente koje učine gostujući navijači, odgovoran je gostujući klub.

Organizovanim grupama navijača nije dozvoljeno da se nalaze iza zapisničkog stola i iza klupe gostujuće ekipe.

Nije dozvoljeno nesportsko navijanje i isticanje transparentata, zastava i natpisa koji podstiču na nasilje, vrijeđanje na nacionalnoj, vjerskoj i rasnoj osnovi kao i navijanje koje onemogućava normalni tok utakmice (pištaljke, zvučna pojačala, vrijeđanje, psovke i sl.).



Domaćin ne smije dozvoliti posjetiocima da na bilo koji način povrijede prostor za igru unutar ograde (nije dozvoljeno mahanje zastavama i naginjanje preko ograde, pomjeranje konstrukcije i sl.).

Domaćin je odgovoran za bacanje petardi i drugih predmeta (u gledalištu i na terenu), bez obzira čiji to navijači čine, osim u situaciji kada gostujuća ekipa organizuje dovođenje svojih navijača na utakmicu.

Službena lica su dužna da u slučaju ispada gledalaca detaljno opišu događaj i odgovornost navijača.

U slučaju nereda na terenu ili u dvorani, domaćin mora preduzeti sve mjere i potpuno zaštititi sve članove obe ekipe, sudije i delegata utakmice. Dužnost domaćina je da osigura njihov nesmetan odlazak u svlačionicu, a članovima gostujuće ekipe, sudijama i delegatu odlazak iz grada.

Domaćin je odgovoran za obezbjeđenje reda u gledalištu i terenu i dužan je da poštuje naloge sudija date u tom smislu.

Pripadnici snaga javnog reda mogu da uđu na teren samo ako ih pozovu sudije, međutim ako je jasna namjera gledalaca da na terenu počine akt nasilja snage javnog reda odmah intervenišu.

Svaki napad na ekipe, sudije ili službena lica, bit će sankcionisan u skladu sa odredbama Propozicija takmičenja.

### ***Član 41.***

Zabranjen je ulaz u dvoranu svim gledaocima koji žele ući s alkoholnim pićima, oružjem, predmetima koji mogu biti korišteni kao oružje (petarde, baklje i slični pirotehnički predmeti).

Zabranjen je ulaz u dvoranu gledaocima koji su pod uticajem alkohola, omamljujućih sredstava, stimulansa i sl.

Zabranjeno je unošenje i isticanje zastava, simbola, amblema ili tekstova koji direktno ili indirektno potiču nasilje. Obaveza kluba je da ih odmah ukloni.

Svi prekršaji će se sankcionisati u skladu sa ovim Propozicijama i Disciplinskim pravilnikom KS BiH.

## **ZDRAVSTVENA ZAŠTITA, SREDSTVA JAVNOG INFORMISANJA**

### ***Član 42.***

Domaćin osigurava zdravstvenu službu - dežurnog ljekara, koji raspolaže materijalom za ukazivanje prve pomoći.

Dežurni ljekar za vrijeme utakmice obavezan je sjediti na klupi domaće ekipe.

Doping kontrola se vrši u skladu sa propisima FIBA i odgovarajućim aktima KS BiH od strane ovlaštene Antidoping agencije, a svi igrači su obavezni da se odazovu pozivu za testiranje od strane ovlaštenih lica.

Domaćin utakmice dužan je osigurati odgovarajući prostor za sredstva javnog informisanja, te omogućiti snimanje utakmice zainteresovanim TV.

## **VIDEO SNIMAK, STATISTIKA**

### *Član 43.*

Domaćin utakmice je dužan sve utakmice snimati na video kasetu ili DVD, te je obavezan snimak utakmice dostaviti u kancelariju KS BiH u roku od 2 (dva) dana od odigravanja utakmice.

Domaćin je dužan uručiti video kasetu ili DVD sa snimkom delegatu po završetku utakmice, a koji će istu uručiti gostujućoj ekipi prije napuštanja mjesta odigravanja utakmice.

Ukoliko je na utakmici uložena žalba, domaćin utakmice dužan je video kasetu ili DVD sa snimkom utakmice uručiti delegatu, odmah nakon završetka utakmice, koju će on zajedno sa ostalim materijalom dostaviti Komesaru takmičenja.

Snimanje utakmice je dozvoljeno gostujućoj ekipi i klub domaćin je obavezan da istoj obezbijedi odgovarajuće uslove za snimanje.

Domaćin utakmice je obavezan obezbijediti računar za vođenje statistike prema zvaničnom kompjuterskom programu Lige u dvorani uz parket, kao i pristup Internetu tokom cijele utakmice.

Statistika se može pratiti i na web stranici KS BiH play by play.

Statistika se vodi za svaku ekipu posebno. Po jedan primjerak kompjuterske statistike uručuje se nakon druge i četvrte četvrtine, te nakon eventualnih produžetaka svakoj ekipi.

Zbirna statistika uručuje se delegatu utakmice.

Domaćin utakmice obavezan je zbirnu statistiku (zajedno sa Izvještajem o rezultatu – Obr.3) poslati elektronskom poštom u KS BiH po završetku utakmice.

Statističare na utakmicama obezbjeđuje klub domaćin koji snosi odgovornost za njihov rad.

Za neizvršavanje navedenih obaveza od strane kluba, predviđene su sankcije definisane u ovim Propozicijama.

## **DRŽAVNA OBILJEŽJA**

### *Član 44.*

Domaćin je dužan da na svakoj utakmici, na vidnom mjestu postaviti državnu zastavu BiH.

Izgled, oblik i veličina zastave mora biti u skladu sa Zakonom utvrđenim normama.

Uz državnu zastavu može biti istaknuta i zastava entiteta, grada i kluba.

## POMOĆNI UREĐAJI :

### *Član 45.*

Domaćin je dužan u dvorani osigurati elektronsku i drugu opremu - pomoćne uređaje i to:

- Zapisnik-obrazac propisan Pravilima igre i izdat od KS BiH,
- pomoćni elektronski semafor za mjerenje vremena i rezultata,
- štoperica za mjerenje 24 sec. i minute odmora,
- tablice za pokazivanje ličnih grešaka igrača, propisan Pravilima igre,
- uređaj - pokazivač bonusa (4 lične greške),
- strelicu - pokazivač alternativnog posjeda lopte.
- rezervni uređaj za objavljivanje posljednjih 10 sec. napada (gong),
- svjetlomjer za mjerenje dvorane,
- termometar za mjerenje temperature u dvorani,
- opremu za mjerenje visine obruča

---

## VII TOK UTAKMICE

---

### *Član 46.*

Početak utakmice smatra se onaj moment kada su sudije ušle u dvoranu i kada je semafor pušten u rad, tj. 20 minuta prije početka utakmice.

Dvadeset minuta prije početka utakmice prvi sudija provjerava da li je domaćin ispunio zahtjeve predviđene Propozicijama i Pravilima igre, da li se na terenu nalaze pomoćne sudije i da li su svi uređaji u ispravnom stanju.

Ukoliko sudije ustanove neispravnost na uređajima, ostavit će domaćinu najviše 30 minuta da dovede uređaje u ispravno stanje. Ukoliko se kvar ne otkloni u ostavljenom roku od 30 minuta, ili ukoliko nastane kvar na tehničkim uređajima prije početka susreta, a u vremenu od uključivanja uređaja od strane prvog sudije, pa do početka same igre, utakmica se odlaže za 24 sata.

Utakmica se može odigrati i uz pomoćne uređaje, ukoliko su klubovi saglasni.

Odluku o odgađanju utakmice za 24 sata donosi delegat.

Ukoliko se neki od uređaja pokvari za vrijeme utakmice, utakmica će se nastaviti uz pomoćne uređaje propisane ovim Propozicijama i Pravilima igre.

### *Član 47.*

Dvadeset (20) minuta prije početka utakmice mjerilac vremena, po odobrenju prvog sudije, uključuje sat za mjerenje vremena. Pomoćne sudije zauzimaju svoja mjesta. Zapisnik je već popunjen.

Šest (6) minuta prije početka utakmice prvi sudija pištaljkom poziva igrače koji se zagrijavaju da izađu van terena za igru, iza bočne linije.

Spiker predstavlja gledalištu kapitena, zatim ostale igrače prema rednim brojevima na dresovima. Predstavljaju se prvo igrači i trener gostujuće, a zatim domaće ekipe. Igrači se

postavljaju iza linije slobodnog bacanja. Prilikom predstavljanja svi prijavljeni igrači moraju biti jednoobrazno odjeveni (svi u trenerkama, svi bez trenerki i sl.).

Nakon predstavljanja ekipa, spiker predstavlja službena lica i ostavlja se ekipama još 3 minuta za zagrijavanje.

Nakon predstavljanja, igrači i treneri se međusobno pozdravljaju i odlaze prema svojim klupama.

Minutu prije početka utakmice mjerilac vremena vraća sat za mjerenje vremena u početni položaj, a prvi sudija daje znak da je završeno zagrijavanje. Igrači prvih petorki izlaze na teren radi početka utakmice.

Nakon završetka utakmice svi igrači izlaze na igralište, međusobno se rukuju i odlaze prema svojim klupama.

Ekipe ne mogu iznositi nikakve razloge za neodigravanje utakmice ili odgađanje početka utakmice kada sudije odluče da počnu utakmicu. Odbijanje odluke sudija da utakmica počne, smatraće se nedolaskom na utakmicu.

---

## VIII NAČIN BODOVANJA I POSTUPAK PO ŽALBI

---

### *Član 48.*

Način bodovanja i određivanje plasmana ekipa obavlja se na osnovu Pravila košarkaške igre FIBA.

Ukoliko ekipa iz bilo kojih razloga napusti takmičenje (uključujući i Play-Off) u narednoj takmičarskoj sezoni biti će prebačena u niži stepen takmičenja bez mogućnosti nastupa u Prvenstvu BiH u prvoj narednoj takmičarskoj sezoni.

### *Član 49.*

Žalba na utakmicu najavljuje se odmah po završetku, dok sudije ne potpišu zapisnik, kapiten ekipe obavještava prvog sudiju da njegova ekipa ulaže žalbu i potpisuje se u zapisnik na za određeno mjesto.

Najavljena žalba se u pisanom obliku podnosi delegatu, u posebnom izvještaju – Žalba (Obr. 8), najkasnije 20 (dvadeset) minuta po završetku utakmice, od strane službenog predstavnika kluba.

Podnosilac žalbe obavezan je da u posebni izvještaj unese tačne i precizne navode zbog kojih se žali. Po prijemu žalbe sudije i delegat daju svoje mišljenje i pismene izjave o navodima iznesenim u žalbi. Delegat je dužan žalbu zajedno sa prikupljenim izjavama odmah dostaviti Komesaru takmičenja.

Detaljnija obrazloženja žalbe, podnosilac žalbe može dostaviti Komesaru takmičenja u roku od 48 sati nakon odigrane utakmice, s tim da tu aktivnost najavi u žalbi. Dopuna žalbe ne može se širiti van osnovnog razloga koji je naveden u žalbi.

Za svaku žalbu mora biti uplaćen iznos od 500 bodova prvi radni dan po odigranoj utakmici, a dokaz o uplati dostaviti u kancelariju KS BiH do 12:00 sati. Za utvrđivanje tačnog datuma kada je uplaćen iznos u vrijednosti 500 bodova priznaje se jedino žig banke ili pošte na uplatnici.

Žalba koja nije najavljena potpisom kapitena i koja nije na vrijeme uručena delegatu, te žalba za koju nije uplaćen iznos u vrijednosti 500 bodova do utvrđenog termina neće se uzimati u razmatranje.

### **Član 50.**

Video snimci, filmovi, slike ili bilo koja oprema (vizuelna, elektronska, digitalna i dr.) ne koriste se da bi se odlučio ili promijenio rezultat utakmice. Upotreba takve opreme je opravdana, samo pri utvrđivanju disciplinske odgovornosti, nakon što je utakmica završena.

### **Član 51.**

Komesar takmičenja uvidom u snimak utakmice može utvrditi i sankcionisati disciplinsku odgovornost učesnika utakmice, i ako učesnik nije evidentiran od strane službenih lica kao počinilac prekršaja, što može prouzrokovati i odgovornost službenih lica.

### **Član 52.**

Komesar takmičenja može žalbu da usvoji ili odbije.

Kada žalbu odbije, utakmica se registruje postignutim rezultatom.

Kada žalbu usvoji, utakmica će se poništiti i odrediti odigravanje nove.

### **Član 53.**

Ukoliko je načinjena povreda Pravila košarkaške igre, koja je bitno uticala na rezultat ili je utakmica bila neregularna zbog uslova za odigravanje utakmice koji su predviđeni Pravilima košarkaške igre i Propozicijama takmičenja, a što je uslovilo da postignuti rezultat nije posljedica sportskog nadmetanja, Komesar takmičenja će žalbu usvojiti i naložiti odigravanje nove utakmice, a podnosiocu žalbe uplaćena taksa se vraća.

Ako je žalba usvojena zbog neregularnosti u procesu registracije igrača ili bilo kojeg slučaja zbog čega igrač nije imao pravo da nastupi na utakmici, Komesar takmičenja će utakmicu registrovati 20:0 protiv ekipe koja je učinila povredu Registracionog pravilnika ili povredu ‘prava nastupa na utakmici’. Kažnjena ekipa neće dobiti jedan bod u plasmanu. Podnosiocu žalbe uplaćena taksa se vraća. U ovom slučaju, obaveza Komesara takmičenja je da podnese disciplinsku prijavu protiv odgovornih lica. Dok traje žalbeni postupak, utakmica koja je predmet žalbe se ne registruje.

Ako je žalba zbog neregularnosti u procesu registracije igrača greška kancelarije Saveza, Komesar takmičenja će žalbu usvojiti i naložiti odigravanje nove utakmice, a podnosiocu žalbe uplaćena taksa se vraća. U ovom slučaju, troškove odigravanja nove utakmice snosi kancelarija Saveza, a obaveza Komesara takmičenja je da podnese disciplinsku prijavu protiv odgovornog lica.

### **Član 54.**

Jednom registrovana utakmica ili donijeta odluka u vezi sa takmičenjem ne može biti poništena.

Izrečene sankcije mogu se izmjeniti samo po odluci Disciplinskog sudije, pod uslovom da je Komesar takmičenja izrekao sankcije koje izlaze iz okvira njegove nadležnosti i spadaju u nadležnost Disciplinskog sudije.

### **Član 55.**

Odluku o žalbi Komesar takmičenja donosi najkasnije u roku od 3 (tri) dana po prijemu teksta žalbe.

Žalba na utakmicu poslednjeg kola Lige 12/14 (Muškarci) i Lige 8/10 (Žene), utakmica Lige za Prvaka i utakmica Play-off-a riješava se u roku od 24 (dvadesetčetiri) sata od momenta odigravanja utakmice.

Žalba na utakmicu turnirskog karaktera ili završnog dijela KUP takmičenja riješava se u roku od 12 (dvanaest) sati po završetku utakmice.

Komesar takmičenja svoju odluku saopštava elektronskom poštom /e-mail-om/ili telefaksom.

### **Član 56.**

Na odluku Komesara takmičenja dozvoljena je žalba u drugom stepenu koja se podnosi Takmičarskoj komisiji, imenovanoj od strane Upravnog odbora KS BiH, i to u roku od 24 sata od prijema Odluke.

Uz žalbu se uplaćuje taksa u iznosu od 1.500 bodova, na račun KS BiH. Za utvrđivanje tačnog datuma i vremena uplate priznaje se jedino pečat banke ili pošte na uplatnici ili virmanu.

Žalba koja nije dostavljena Takmičarskoj komisiji u roku od 24 sata po prijemu Odluke, te žalba uz koju nije uplaćena taksa u iznosu od 1.500 bodova, neće se uzimati u razmatranje.

Odluka u drugom stepenu donosi se u roku od 3 (tri) dana i konačna je.

Takmičarska komisija svoju odluku saopštava elektronskom poštom /e-mail-om/ ili telefaksom.

### **Član 57.**

Ukoliko žalba bude usvojena i rezultat utakmice poništen, podnosiocu žalbe uplaćena taksa se vraća, a prilikom odigravanja ponovljene utakmice troškove snosi ekipa koja je izgubila žalbeni spor.

---

## **IX KAZNENE ODREDBE**

---

### **Član 58.**

Za prekršaje ovih Propozicija izriču se kazne po osnovu Člana 59.

Za teže prekršaje i prekršaje koji nisu predviđeni u Članu 59. ovih Propozicija primjenit će se odredbe Disciplinskog pravilnika KS BiH.

**Član 59.**

Utvrđeni su kriteriji novčanih i vremenskih kazni za slijedeće vrste prekršaja klubova, igrača, trenera, sudija, delegata, kontrolora suđenja, i drugih službenih osoba i to:

<b>A.</b>	<b>ORGANIZACIJA UTAKMICE</b>	<b>BODOVA</b>
1.	Neblagovremena i neuredna prijava utakmice	100
2.	Nedostatak pomoćnih uređaja	300
3.	Neispravni tehnički uređaji	200
4.	Neosiguravanje rezervne aparature	200
5.	Slaba organizacija zapisničkog stola	200
6.	Nedostatak propisanih obrazaca	100
7.	Neosiguravanja svlačionica za ekipe i sudije	200
8.	Neosiguravanje prostorije za delegata	200
9.	Izostanak redarske službe i službe obezbjeđenja	500
10.	Nedovoljan broj redara i policajaca	500
11.	Nejednoobrazni, nepravilno obilježeni dresovi, slaba vidljivost brojeva	100
12.	Neosiguravanje adekvatnog prostora za rezervne igrače, pomoćne sudije i stolica za izmjene	200
13.	Neuručivanje službene dokumentacije delegatu 30 min. prije početka utakmice (licence igrača, trenera, službenih lica, itd.)	200
14.	Neplaćanje taksi i troškova službenim licima prije utakmice	200
15.	Neobezbjeđivanje sredstva za pisanje (pisaća mašina, kompjuter)	200
16.	Nedostavljanje Izvještaja o rezultatu (Obr.3) i zbirne statistike	300
17.	Neosiguravanje faksa ili kompjutera za slanje izvještaja	300
18.	Neizlaženje u susret uredno podnijetom zahtjevu gostujuće ekipe za obezbjeđivanje smještaja i termina za trening	300
19.	Neosiguravanje lica i pribora za brisanje i sušenje terena	200
20.	Nedovoljan broj lopti za zagrijavanje (4)	200
21.	Nedovoljno zagrijana i osvijetljena dvorana	800
22.	Neobezbjeđivanje termometra ili svjetlomjera	200
23.	Neisticanje državne zastave BiH	500
24.	Neobezbjeđivanje razglasa	200
25.	Nepredstavljanje igrača prije početka utakmice	200
26.	Neizlazak prijavljenih igrača na predstavljanje prije početka utakmice (po igraču)	100
27.	Nedozvoljena upotreba razglasa, puštanje muzike preko razglasa i ometanje igre preko razglasa dok je utakmica u toku	200
28.	Nepprisustvo ljekara na utakmici	300
29.	Nesavjesno ili djelimično snimljena utakmica video kamerom	800
30.	Nedostavljanje video kasete ili DVD-a sa utakmice KS BiH, protivničkoj ekipi ili na zahtjev Komesara takmičenja (48 sati)	300
31.	Nevođenje statistike kompjuterski prema zvaničnom programu	600

32.	Neuredno ili netačno vođenje statistike, nepostavljanje statistike na WEB SITE u opciji ON LINE	300
33.	Nedostavljanje statistike (delegatu, ekipama)	200
34.	Nastupanje neregistrovanog ili suspendovanog igrača za klub	1000
35.	Nastupanje sa manje od 10 (deset) igrača na utakmici	500
36.	Neadekvatna odjevenost trenera, pomoćnog trenera i službenog predstavnika ekipe	100
37.	Slaba organizacija utakmice (ostali nedostaci i propusti ekipa)	300
38.	Neopravdani izostanak ekipe sa utakmice	1500
39.	Odustajanje ekipe od takmičenja i 1/8 finala KUP-a BiH	1500

**U svim ponovljenim slučajevima u toku takmičenja kazne se udvostručuju i dvostruka kazna je maksimalna u toku prvenstva.**

Kazne izrečene za prekršaje navedene pod *A-Organizacija utakmice*, smatraju se administrativnim (mandatnim) kaznama i na njih se **ne mogu** izjavljivati žalbe.

<b>B.</b>	<b>NESPORTSKO PONAŠANJE GLEDALACA</b>	<b>BODOVA</b>
1.	Ometanje rada službenih lica od strane neslužbenih osoba	300
2.	Nesportsko navijanje i ponašanje gledalaca	300
3.	Bacanje na teren mekih predmeta (papir i sl.)	100
4.	Bacanje na teren tvrdih predmeta (upaljači, novac i sl.)	300
5.	Bacanje na teren eksplozivnih naprava (petarde, baklje i sl.)	800
6.	Bacanje u gledalište eksplozivni naprava (petarde, baklje is l.)	800
7.	Pušenje i upotreba alkohola u dvorani	100
8.	Vrijedanje službenih osoba i gostujuće ekipe	200
9.	Vrijedanje učesnika utakmice na vjerskoj i rasnoj osnovi	1000
10.	Narušavanje prostora za igru i ometanje normalnog toka igre	200
11.	<b>Ponovljeni slučaj na istoj utakmici (tačke 1. do 10.), nakon izrečenog upozorenja, novčana kazna se udvostručuje</b>	
12.	Ulazak gledalaca u teren prije, za vrijeme i poslije utakmice	1000
13.	Pokušaj fizičkog napada na službene osobe i gostujuću ekipu	1000
14.	Ostvaren fizički napad na službene osobe i gostujuću ekipu	2000
15.	Ako sporni događaj prouzrokuje privremeni prekid utakmice	1000
16.	Ostvaren fizički napad na službene osobe i gostujuću ekipu sa prekidom utakmice bez mogućnosti nastavka -zabrana igranja na svom terenu 3-5 utakmica i novčana kazna	3000
17.	Incidenti koji se dogode prije, u poluvremenu i poslije utakmice na terenu, službenim prostorijama, prostorijama dvorane ili u krugu dvorane a evidentirani su	1000

**U svim ponovljenim slučajevima u toku takmičenja kazne se udvostručuju i dvostruka kazna je maksimalna u toku prvenstva.**



Kazne izrečene za prekršaje navedene pod *B - Nesportsko ponašanje gledaca*, osim tačke 15.,16. i 17. smatraju se administrativnim (mandatnim) kaznama i na njih se **ne mogu** izjavljivati žalbe.

Kazne izrečene za prekršaje navedene pod *B - Nesportsko ponašanje gledaca*, tačke 15.,16. i 17. ne smatraju se administrativnim (mandatnim) kaznama i na njih se **mogu** izjavljivati žalbe.

<b>C.</b>	<b>NESPORTSKO PONAŠANJE IGRAČA, TRENERA I SLUŽBENIH OSOBA EKIPA</b>	<b>BODOVA</b>
1.	Svaka dosuđena tehnička greška igrača	100
2.	Svaka dosuđena tehnička greška trenera	200
3.	Svaka dosuđena tehnička greška službenim osobama ekipa ("klupa ekipe")	200
4.	<b>Ponovljeni slučaj na istoj utakmici</b> (tačka 1. do 3.) <b>-Novčana kazna se udvostručuje</b>	
5.	Svaka dosuđena diskvalifikujuća greška igrača	400
6.	Svaka dosuđena diskvalifikujuća greška trenera	400
7.	Svaka dosuđena diskvalifikujuća greška službenim osobama ekipe	400
8.	Za podnjetu prijavu protiv igrača, trenera ili službene osobe -kazna neigranja ili neobavljanja dužnosti od 1-3 utakmice i novčana kazna	400
9.	Ako isključeni igrač, trener ili službena osoba suprotno Pravilima igre ostane u dvorani nakon isključenja	200
10.	Evidentirane međusobne prijetnje učesnika utakmice	500
11.	Pokušaj fizičkog napada između učesnika utakmice	500
12.	Ostvaren fizički napad između učesnika utakmice -kazna neigranja ili neobavljanja dužnosti od 1-3 utakmice i novčana kazna	1000
13.	Nesportsko kritikovanje odluka sudija	200
14.	Nedolazak službenog predstavnika u prostoriju za sastavljanje Izvještaja delegata	300
15.	Nesportsko ponašanje učesnika utakmice utvrđeno uvidom u DVD snimak utakmice, i ako učesnik nije evidentiran od strane službenih lica kao počinitelj prekršaja - kazna neigranja ili neobavljanja dužnosti od 1-3 utakmice i novčana kazna	100-2000

**U svim ponovljenim slučajevima u toku takmičenja kazne se udvostručuju i dvostruka kazna je maksimalna u toku prvenstva.**

Kazne izrečene za prekršaje navedene pod *C - Nesportsko ponašanje igrača, trenera, službenih osoba ekipa*, osim tačke 8. smatraju se administrativnim (mandatnim) kaznama i na njih se **ne mogu** izjavljivati žalbe.

<b>D.</b>	<b>NESAVJESNO OBAVLJANJE DUŽNOSTI DELEGATA, SUDIJA, KONTROLORA SUĐENJA I POMOĆNIH SUDIJA</b>	<b>UTAKMICA nedelegiranja (u odr.tempu)</b>
1.	Nesavjesno i neuredno obavljanje dužnosti, nesportsko ponašanje, neuredno i netačno provođenje odluka i odredbi Pravila igre i Propozicija takmičenja	1 - 5
2.	Nepropisno odijevanje sudija, delegata i kontrolora suđenja – košulja, sako, hlače (ne jeans hlače) i kravata -pomoćne sudije (jednoobrazno)	2 2
3.	Nepravovremeni dolazak službenih lica u dvoranu, obavezno 1 (jedan) sat ranije -kašnjenje 5-15 min -kašnjenje 15-30 min -kašnjenje 30-60 min	1 2 3
4.	Neopravdan nedolazak službenih lica na utakmicu	Brisanje sa liste
5.	Neblagovremeni otkaz delegiranja (nakon delegiranja)	1-3
6.	Nepravovremeni izlazak službenih lica na teren, obavezno 30 min. prije početka utakmice (delegat i pomoćne sudije), 20 min. prije početka utakmice (sudije i kontrolor) -kašnjenje 2-5 min -kašnjenje 5 i više min	1 2
7.	Konzumiranje alkohola službenih lica na dan utakmice -u ponovljenom slučaju	5 Brisanje sa liste
8.	Slabo suđenje na osnovu izvještaja kontrolora suđenja, pregleda snimke od strane SK i Povjerenika za sudije	1-5
9.	Neobjektivno prikazivanje činjenica u izvještaju kao i prikrivanje pojedinih činjenica	1-5
10.	Nepravovremeno, neprecizno i neuredno dostavljanje Izvještaja delegata sa utakmice (obavezno 24 sata po završetku utakmice), Kontrole suđenja od strane kontrolora suđenja (obavezno 48 sata po završetku utakmice)	1-3
11.	Javno komentarisanje za javnost svih momenata u vezi sa odigranom utakmicom	1-3
12.	Prijetnja igračima, trenerima i službenim osobama ekipe	Brisanje sa liste
13.	Pokušaj fizičkog napada na igrače, trenere i službene osobe ekipe	Brisanje sa liste
14.	Ostvaren fizički napad na igrače, trenere i službene osobe ekipe	Brisanje sa liste i Disciplinska odg.
15.	Javno kritikovanje donešenih odluka, rada Komesara takmičenja i komisija KS BiH i davanje izjava koje izlaze iz okvira sportskog ponašanja	Brisanje sa liste i Disciplinska odg.

**U svim ponovljenim slučajevima u toku takmičenja kazne se udvostručuju.**

Sve kazne sudija, delegata, kontrolora suđenja i pomoćnih sudija objavljuju se u biltenima ili saopštenjima Komesara takmičenja.

Kazne izrečene za prekršaje navedene pod *D – Nesavjesno obavljanje dužnosti delegata, sudija, kontrolora suđenja i pomoćnih sudija* ne smatraju se administrativnim (mandatnim) kaznama, te se na njih **moгу** izjavljivati žalbe.

***E.***

Kazne zabrane igranja, obavljanja dužnosti koje su izražene brojem utakmica, odnose se na takmičenje u kojem su izrečene. Ukoliko do kraja takmičenja nije izdržana cijela kazna, ista se prenosi na slijedeću sezonu. Isto se odnosi i na ostale službene osobe.

Osoba koja je kažnjena vremenskom kaznom (kazna izražena brojem mjeseci), za vrijeme izdržavanja kazne ne može obavljati niti jednu dužnost u košarkaškom sportu.

***F.***

Kazne izražene u bodovima odnose se na klubove i ekipe muškog takmičenja.

Za kazne klubovima i ekipama ženskog takmičenja, primjenjuju se iznosi od 50% predviđenog broja bodova.

Utvrđena protuvrijednost boda izražava se i uplaćuje u KM.

**Utvrđena je vrijednost boda u iznosu od 2 (dvije) KM.**

***G.***

Za sve nepredviđene slučajeve koji nisu obuhvaćeni članom 59. ovlašćuje se Komesar takmičenja na izricanje kazni u visini: 100-5000 bodova.

***H.***

Ekipa koja iz neopravdanih razloga ne nastupi na utakmici, gubi utakmicu službenim rezultatom 20:0 (bez borbe) i ne dobija bod za tu utakmicu.

Ako ekipa izgubi dvije utakmice na ovakav način, isključuje se iz takmičenja koje je u toku i u narednoj takmičarskoj sezoni biti će prebaćena u niži stepen takmičenja, bez mogućnosti nastupa u Prvenstvu BiH u prvoj narednoj takmičarskoj sezoni.

Ukoliko dođe do prekida utakmice, ekipa koja je izazvala prekid utakmice gubi utakmicu službenim rezultatom 20:0 (bez borbe) i ne dobija bod za tu utakmicu. Ako ekipa izgubi dvije utakmice službenim rezultatom 20:0 (bez borbe), isključuje se iz takmičenja koje je u toku i u narednoj takmičarskoj sezoni biće prebaćen u niži stepen takmičenja, bez mogućnosti nastupa u Prvenstvu BiH u prvoj narednoj takmičarskoj sezoni.

Ako ekipa samovoljno napusti teren prije kraja utakmice, uključujući i utakmice KUP-a ili odbije da nastavi da igra nakon poziva sudija, isključit će se iz takmičenja koje je u toku i u narednoj takmičarskoj sezoni biti će prebačena u niži stepen takmičenja, bez mogućnosti nastupa u Prvenstvu BiH u prvoj narednoj takmičarskoj sezoni.

U slučaju da za ekipu nastupi igrač koji nema pravo nastupa (suspendovan, kažnjen ili nije uredno registrovan) utakmica se registruje službenim rezultatom 20:0 (bez borbe) za protivnički tim, a tim koji je nastupio sa igračem koji nema pravo nastupa ne dobija 1 (jedan) bod u plasmanu. U ponovljenom slučaju ekipa se isključuje iz takmičenja, bez mogućnosti nastupa u Prvenstvu BiH u prvoj narednoj takmičarskoj sezoni.

Ekipa koja napusti Prvenstvo BiH u toku takmičarske sezone, nema pravo nastupa u Prvenstvu BiH 3 (tri) naredne takmičarske sezone.

Ukoliko ekipa odustane od takmičenja ili joj bude izrečena mjera isključenja, a odigrala je manje od polovine predviđenog broja utakmica, njeni rezultati se brišu.

Ako je ekipa iz prethodnog stava odigrala polovinu ili više od polovine predviđenog broja utakmica, odigrane utakmice se registruju postignutim rezultatom, a preostale utakmice se registruju službenim rezultatom 20:0 (bez borbe) i ekipa ne dobija bod u plasmanu.

### ***Član 60.***

Ukoliko ekipa, trener, pomoćni trener i druge službene osobe naprave prekršaj koji podliježe disciplinskoj kazni, delegat i sudije moraju predati pismene izvještaje najkasnije 12 sati od završetka utakmice.

### ***Član 61.***

Klub kojem je izrečena kazna zabrane igranja utakmice na svom terenu, dužan je prijaviti odigravanje utakmice u drugom mjestu koje je udaljeno najmanje 50 km i u kojem postoji registrovana dvorana za određeni rang takmičenja.

### ***Član 62.***

Izrečene kazne zabrane igranja izvršavaju se na utakmicama Prvenstva BiH i utakmica KUP-a (1/8 finala i dalje), sezona 2014/2015.

### ***Član 63.***

O Disciplinskim prekršajima i prekršajima iz člana 58. i 59. ovih Propozicija koji se odnose na klubove, igrače, trenere, službene osobe ekipe, sudije, delegate, kontrolore suđenja i pomoćne sudije na utakmicama Prvenstva BiH, sezona 2014/2015, odluke u prvom stepenu donosi Komesar takmičenja.

Za odlučivanje po uložnim žalbama na odluke koje je izrekao Komesar takmičenja u drugom stepenu je nadležna Takmičarska komisija. Na odluku Komesara takmičenja o novčanim ili vremenskim kaznama dozvoljena je žalba u roku od 24 sata od prijema odluke uz plaćeni iznos od 1.500 bodova.

Takmičarska komisija žalbu usvaja ili odbija.

Odluka se donosi u roku 3 (tri) dana i konačna je.

---

## X FINANSIJSKE ODREDBE

---

### *Član 64.*

Ekipe učesnice Prvenstva BiH sezone 2014/2015 godine, snose svoje troškove takmičenja. Prihod ubire domaćin utakmice.

### *Član 65.*

Ekipe učesnice Prvenstva BiH sezone 2014/2015 godine finansiraju administrativno-tehničke i ostale zajedničke troškove takmičenja.

Ekipe učesnice su dužne osigurati dovoljno sredstava iz kojih se finansira takmičenje. Visinu ukupnih troškova utvrđuje Upravni odbor KS BiH.

Ekipe učesnice su dužne izvršiti uplatu troškova takmičenja, koji garantuju njihovo učešće, u roku koji je odredio Upravni odbor KS BiH.

Ukoliko se novčana potraživanja ne podmire u utvrđenom roku, smatra se da je klub odustao od takmičenja.

### *Član 66.*

Putni troškovi sudija i delegata isplaćuju se na osnovu Odluke o naknadama putnih i drugih troškova za vrijeme trajanja službenog putovanja.

Obračun putnih troškova vrši delegat, na osnovu Daljinara, cijene pogonskog goriva navedenog u delegiranju, uvećan za iznos putarine (obavezno priložiti račun).

Ekipa domaćin susreta je obavezna izvršiti isplatu putnih troškova sudija i delegata 1 (jedan) sat prije početka utakmice.

Takse službenim licima se uplaćuju na žiro račune, najkasnije na dan odigravanja, uz davanja na uvid uplatnica delegatu, ili gotovinski delegatu 1 (jedan) sat prije početka utakmice.

Takse za pomoćne sudije i statističare isplaćuje klub domaćin gotovinski, 1 (jedan) sat prije početka utakmice.

Ukoliko službena lica ne prijave klub zbog neizmirenja obaveza odmah po završetku utakmice, u izvještaju sa utakmice, KS BiH neće imati nikakvih obaveza prema službenim licima.

### *Član 67.*

Klubovi su obavezni finansijska potraživanja prema odluci Komesara takmičenja o novčanim kaznama uplatiti u roku od 3 (tri) dana od dana prijema računa (fakture), odnosno od pravosnažnosti odluke.

Ukoliko se finansijska potraživanja ne izmire u utvrđenom roku, klub je automatski suspendovan. Žalba na odluku ne odlaže njeno izvršenje.

Suspendovani klub ne može nastupiti na narednim utakmicama, a utakmice gubi službenim rezultatom 20:0 (bez borbe), prema Pravilima igre, sve dok ne podmiri svoje finansijske obaveze.

Klub koji ne podmiri svoje finansijske obaveze prema takmičenju, ili prema matičnom košarkaškom savezu, na osnovu odluke Komesara takmičenja, kao i na osnovu ovih Propozicija, ne može igrati utakmice u slijedećoj prvenstvenoj sezoni dok ne izmiri svoje finansijske obaveze.

### ***Član 68.***

Svi iznosi navedeni u dijelu Propozicija IX izraženi su u bodovima.

**Utvrđena je vrijednost boda u iznosu od 2 (dvije) KM.**

---

## **XI ZAVRŠNE ODREDBE**

---

### ***Član 69.***

Slučajevi koji nisu predviđeni ovim Propozicijama, rješava Upravni odbor Košarkaškog Saveza BiH.

Ove Propozicije tumači Upravni odbor KS BiH.

### ***Član 70.***

Ove Propozicije objavljuju se u službenom glasilu KS BiH i na web stranici KSBiH. Propozicije takmičenja kao i službeni bilteni Prvenstva dostavljaju se učesnicima Prvenstva BiH 2014/2015 elektronskom poštom /e-mail/.

### ***Član 71.***

Propozicije takmičenja stupaju na snagu danom usvajanja.

**Sarajevo, septembra/rujna 2014.godine**

**Predsjednik KS BiH  
Elmedin Konaković, s.r.**